

Lipici – Srebrenik, 18. 06. 2010. godine

Zapisnik sa izborne skupštine Asocijacije radioamatera u BiH

Dana 18. 06. 2010. godine sa početkom u 18,00 sati na brdu Lipici kod Srebrenika održana je izborna Skupština Asocijacije radioamatera u BiH. Skupštini je, pored brojnih gostiju, prisustvovalo 35 delegata, koji su imali prava glasa za 39 članova. Za Skupštinu je bio predložen sljedeći

DNEVNI RED

1. Pozdravni govor Predsjednika ARAuBiH uz minutu šutnje za preminule članove ARAuBiH;
2. Rasprava i usvajanje Poslovnika o radu Skupštine ARAuBiH;
3. Izbor Radnog predsjedništva, Zapisničara, Ovjerivača zapisnika, Verifikacijske i Izborne komisije prema usvojenom Poslovniku Skupštine ARAuBiH;
4. Izveštaj o statusu i procjeni vještaka građevinske struke u vezi sa objektom „Bunker“;
5. U vezi sa prethodnom tačkom Dnevnog reda, izjašnjavanje o prijedlogu Predsjednika da se Skupština ARAuBiH proglasi isključivo nadležnom za promjenu vlasničkog i korisničkog statusa objekta „Bunker“, kao imovine velike vrijednosti;
6. Rasprava o statusu vozila LADA NIVA 1700 u vlasništvu ARAuBiH, kao imovini veće vrijednosti;
7. Usvajanje zaključka u vezi vozila iz prethodne tačke Dnevnog reda;
8. Izveštaj Predsjednika o ostalim pitanjima;
9. Rasprava i usvajanje izvještaja iz prethodne tačke;
10. Rasprava o prijedlogu novog Statuta ARAuBiH;
11. Usvajanje novog Statuta ARAuBiH;
12. Finansijski izvještaj za period 2008-2010. i rasprava o istom;
13. Usvajanje izvještaja iz prethodne tačke Dnevnog reda;
14. Prijedlozi i čitanje biografija kandidata za Predsjednika ARABiH;
15. Prijedlozi za članove UO i NO ARABiH;
16. Glasanje za izbor novog Predsjednika i članove UO i NO na pripremljenim i ovjerenim talonima ARABiH;
17. Obraćanje novoizabranog Predsjednika Skupštini;
18. Razno.

AD.1. i 3.

Nakon pozdravnog govora dotadašnjeg predsjednika ARAuBiH, Amira Jaganjca – E750, predložena su i izabrana radna tijela Skupštine.

Radno predsjedništvo:

1. Amir Jaganjac,
2. Maja Vasić i
3. Enver Kapić.

Zapisničar: Ahmed Hrustanović, a za ovjerivače zapisnika su: Mensura Šakića i Anelu Karačić.

Verifikaciona komisija:

1. Besim Mehić,
2. Nešad-Nešo Osmanović i
3. Rešid Halilčević,

Izborna komisija:

1. Abdulrahman Terzić,
2. Milan Kuljić,
3. Izet Beganović i
4. Dženan Rožajac.

Verifikaciona komisija je delegatima Skupštine podnijela izvještaj da istoj od mogućih 40 prisustvuje ukupno 35 delegata sa pravom glasa.

AD.2.

Nakon izvještaja Verifikacione komisije, delegati su započeli sa raspravom o Poslovniku o radu Skupštine, kojom prilikom određen broj delegata nije bio siguran da li se sada radi po novom Statutu, ili po starom, koji je u tom momentu još uvijek bio na snazi. Nakon razrješavanja te dileme, skupština je nastavila sa radom po starom Statutu, te se pristupilo glasanju o Poslovniku koji je jednoglasno usvojen u obliku u kojem je i predložen. Nije bilo glasova protiv, kao ni suzdržanih, čime su zaokružene prve četiri tačke Dnevnog reda.

AD.4 i 5.

Pitanje „Bunkera“ – objekta u vlasništvu Asocijacije je izazvala veliko interesovanje, kao i žustre rasprave delegata. Informacije koje su se mogle pronaći u pisanim tragovima jesu da je neko „Bunker“ procijenio na vrijednost od 8.820,00 KM, što ne odgovara stvarnoj situaciji. Iz tog razloga, kako je pojasnio Edin Gadžo, angažovana je sudska vještakinja građevinske struke g-đa Šahza Agić. Imenovana je u svom elaboratu procijenila da je „Bunker“ koji se nalazi u 2. gradskoj zoni objekat 6. kategorije površine od 420 m², te da njegova vrijednost iznosi 221.065,20 KM. Obzirom da je vrijednost „Bunkera“ velika, delegati su donijeli odluku da jedino Skupština nadležna donositi bilo kakve odluke o daljnjoj sudbini pomenutog objekta, i ako bude potrebno bit će zakazana vanredna tematska Skupština.

Jedan delegat, Šefik Čaušević, se protivio ideji eventualne prodaje objekta, smatrajući da je bolje isti zadržati i izdati nekom pod zakup.

AD.6. i 7.

Po ovim tačkama Dnevnog reda konstatovano je sljedeće: pomenuti automobil se nalazi u jako lošem stanju, nije registrovan, za isti nema ni obezbjeđen parking prostor...

Delegat iz Mostara, Ibro Lerić, izrazio je zainteresovanost da ovaj automobil koristi Radio klub iz Mostara prilikom odlaska na brdo radi servisiranja repetitora, digipitera i sl. Predstavnik radio kluba E71ALM iz Sarajeva, Emin Skopljak iznio je i konkretnu ponudu za

kupnju Lade za iznos od 1.000,00 KM uz obavezu da istu ustupi ARAuBiH kada joj bude potrebna za servisiranje radioamaterske opreme koja se nalazi na nekoj od naših planina/brda. Također, konstatovao je i to da je Radio klub E71ALM na Nivu utrošio 500,00 KM i to za usluge šlep službe za njeno prebacivanje iz privatnog dvorišta rahmetli Medžida Dautovića na drugo mjesto i otklanjanje nekih sitnih kvarova. Nakon provedene rasprave, zaključak Skupštine je da se svim radio klubovima, njih 25 koji su članovi ARAuBiH, ponudi da otkupe Ladu Nivu o čemu trebaju dostaviti pismenu ponudu, a rok za to je 15 dana od dana održavanja skupštine.

AD.10. i 11.

Šefik Čaušević predložio je da se iz Statuta briše Član 12. koji daje mogućnost ARAuBiH da, u slučaju potrebe, može oformiti preduzeće. Ovo pitanje je izazvalo raspravu među delegatima, te je nakon pojašnjenja Anele Karačić da je to zakonski ostavljena mogućnost udruženjima građana da oforme privredno društvo, a ne i obaveza da se isto i oformi, nakon čega je predlagač odustao od svog prijedloga.

Prijedlog delegata Rešida Halilčevića je bio da se svakom klubu, članu ARAuBiH da pravo glasa – da klub koji plati članarinu ima pravo na jedan glas, te je formulisan prijedlog da se u Član 25. Statuta ugradi alineja sljedećeg sadržaja:

- članica (pravno lice), bez obzira na broj članova koji su ujedno i članovi Asocijacije ostvaruje pravo na 1 (jedan) glas u Skupštini. Nakon glasanja u Skupštini, prijedlog je usvojen sa jednim suzdržanim glasom.

U vezi sa članom 25. predložena je i izmjena alineje 6., a u vezi zastupljenosti direktnih članova ARAuBiH u radu Skupštine za što su iznesena dva prijedloga delegata:

1. Rešid Halilčević je predložio da svakih pet (5) direktnih članova predstavlja jedan član i
2. Enver Kapić je predložio da svakih 10 direktnih članova zastupa 1 član.

Tokom rasprave, predlagač 1. prijedloga je odustao od istog, tako da su se delegati nakon rasprave izjašnjavali o 2. prijedlogu, a to je da se u tekst Statuta ugradi nova alineja sljedećeg sadržaja:

- svakih 10 direktnih članova, mogu ovlastiti jednog člana da ih zastupa sa 1 (jednim) glasom u Skupštini. Nakon glasanja u Skupštini, prijedlog je usvojen sa dva glasa protiv.

Obzirom da nakon ovih izmjena nije bilo više primjedaba niti novih prijedloga na glasanje je dat cjelokupan tekst Statuta, sa uvrštenim gore pomenutim izmjenama, koji je i jednoglasno usvojen. Nije bilo glasova protiv, kao ni suzdržanih.

AD.12. i 13.

Povodom ovih tačaka Dnevnog reda, predsjednik ARAuBiH je podnio i delegatima obrazložio finansijski izvještaj za period 2008-2010. Povodom stavke gdje stoji da Narodna tehnika Asocijaciji duguje novčana sredstva u iznosu od 687,51 KM, je, obzirom da ista više ne egzistira, predloženo da se taj dug otpiše, što su delegati glasanjem i odobrili.

U ovom izvještaju u 2008. godini sporna je jedna transakcija u iznosu od 1.200,00 KM, koja je isplaćena HQ timovima. Kako je navedeno, isto nije obavljeno jer se baš u tom periodu razbolio tadašnji sekretar ARAuBiH, koji poslije nije stigao provesti sve kako treba kroz finansijske knjige. Obzirom da je među delegatima Skupštine bilo dosta članova HQ tima u 2008. godini, isti su

konstatovali da su predstavnici 12 ekipa preuzeli taj novac od Sekretara, te je predloženo da se i ovaj novčani iznos Odlukom Skupštine opravda, što su svi delegati jednoglasno prihvatili.

Delegat Skupštine Nešad Osmanović, tražio je pojašnjenje za jednu stavku u iznosu od 2.253,00 KM, za koju je navedeno da je za gorivo i mazivo !?! Skupština je zadužila novi Nadzorni odbor da izvrši provjeru bilance, te da o tome izvijesti i članove Upravnog odbora, koji će tu informaciju prosljediti ostalim članicama.

Za kraj ovog izvještaja, konstatovano je da na računima ARAuBiH na dan 15. 06. 2010. godine bilo 9.723,16 KM i 1.102,00 EUR-a.

Nakon realizovane 13. tačke dnevnog reda napravljena je kratka pauza.

AD.14., 15., 16. i 17.

Za funkciju predsjednika ARAuBiH su se natjecala dva kandidata: Daniel – Deni Horvat – E73M i Dalibor – Dado Stanić – E79D. Obzirom da su biografije od oba kandidata bile duže vrijeme dostupne svima zainteresovanima, odustalo se od javnog čitanja istih pred delegatima. Nakon što su od Izborne komisije preuzeli glasačke listiće, delegati su se tajnim glasanjem izjašnjavali o novom predsjedniku ARAuBiH. Nakon provedenog glasanja, Izborna komisija je objavila rezultate i konstatovala da je sa osvojenih 26 glasova novi predsjednik ARAuBiH Daniel-Deni Horvat - E73M, a da je drugi kandidat Dalibor-Dado Stanić – E79D osvojio devet glasova.

Novoizabrani predsjednik obratio se delegatima Skupštine. Uslijedila je rasprava o izboru članova Upravnog i Nadzornog odbora, te je odlučeno da se formira lista kandidata za članove Upravnog odbora. Delegati su predložili ukupno 15 imena, te su potom ovlastili novoizabranog predsjednika da sa pomenute liste sam odabere šest imena, budućih članova Upravnog odbora. Za ovu aktivnost je predsjedniku iostavljeno 15 dana svi predloženi kandidati, u tom roku trebaju novoizabranom predsjedniku dostaviti biografije i prijedlog plana aktivnosti.

Predloženi kandidati za Upravni odbor su:

1. Emin Skopljak – E71E (pismeni prijedlog Kluba E71ALM)
2. Nešad Osmanović – E74NR
3. Maja Vasić – E75YL
4. Anela Karačić – E74EE
5. Enver Kapić – E74QA
6. Esad Saračević – E74FT
7. Mersudin Krajišnik – E73C
8. Ibro Lerić – E75RJP
9. Vedad Osmanović – E72U
10. Dženan Rožajac – E77DD
11. Mustafa Hadžijaj – E71M
12. Beriša Ganija – E71RYF
13. Mujo Fočak – E73WA i
14. Zijad Jukić – E77ED

Za Nadzorni odbor Asocijacije predloženo je pet kandidata. Nakon provedenog tajnog glasanja, Izborna komisija je konstatovala sljedeće:

1. Rešid Halilčević – E73QI, dobio je 32 glasa i samim tim je predsjednik NO
2. Radoš Renato – E74BH, dobio je 28 glasova

3. Mehmed Mehmedović – E73DC dobio je 15 glasova
4. Tomo Murat – E73ST, dobio je 14 glasova i
5. Šefik Čaušević –E72W, dobio je 13 glasova.

Prva tri kandidata, koja su osvojila i najveći broj glasova izabrana su u Nadzorni odbor.

Nakon imenovanja Nadzornog odbora Skupština je jednoglasno razriješila Stare sazive Upravnog i Nadzornog odbora.

AD.18.

Pod ovom tačkom dnevnog reda nije bilo prijedloga.

Skupština je sa radom završila u 23,55.

Zapisnik sačino:

Ahmed Hrustanović (E744A)

Ahmed Hrustanović

Ovjerivači zapisnika:

Mensur Šakić – E74MG

Mensur Šakić

Anela Karačić – E74EE

Anela Karačić